


KOMMUNIMUT TAPILIUSSAQ

PILERSAARUMMUT

1C4-2

Nuuk, Sipisaq Avannarleq, Qiterisaqarfik

Aggusti 2012



KOMMUNEQARFIK **SERMERSOOQ**
Sanarfinermut Avatangisinnullu Ingerlatsivik
Anlægs- og Miljøforvaltningen

Imarisaa

ILITSERSUUT	3
NASSUIAAT	4
Tunuliaqutaa.....	4
Pilersaaruteqarfik	4
Pilersaarutip siunertaa imarisaalu	7
Pilersaarummut allamut sanilliullugu inissisimanagera	12
Pilersaarutip inatsisai atortussanngortinneqartut	14
Oqallisigineqarfia aamma Akuersissuteqarneq.....	14
AALAJANGERSAKKAT	16
AALAJANGERSAKKAT PINGAARNERIT	16
§ 1 Immikkoortup atorneqarnissaa pillugu siunertaq.....	16
§ 2 Nunaminertanik atuineq sanaartukkallu.....	16
§ 3 Sanaartukkap suunera, inissimaffia annertussusialu	16
§ 4 Immikkoortup ilaata aqqusineqartinnera	17
§ 5 Illoqarfimmik nutarterineq aamma ingitserineq	17
SUKUMIINERUSUMIK AALAJANGERSAKKAT	18
§ 6 Sanaartukkap inissisimaffia	18
§ 7 Sanaartukkap silatimigut isikkua	18
§ 8 Aqquserngit, aqqusineqqat biilinullu uninngasarfiit	18
§ 9 Teknikkimik atortut.....	19
§ 10 Nunaminertat aneerfiusinnaasut sanaartorfiunngitsullu.....	19
§ 11 Piginneqatigiiffik (sanaartorfissaareersuni aamma sanaartorfissani nutaani).....	20
§ 12 Atuilersinnaaneq pillugu piumasaqaatit.....	20
AKUERSISSUTEQARNQ	21
 ILANNGUSSAT	
Ilanngussaq 1:	Immikkoortup ilaa pissutsillu pioreersut
Ilanngussaq 2:	Illut isatigassat
Ilanngussaq 3:	Immikkuullarissut sanaartorfissallu immikkuullarissaq III-mi
Ilanngussaq 4:	Illut silataat kiisalu naleqqerfissat annerpaaffissat immikkuullarissaq III-mi

ILITSERSUUT

Kommunimut pilersaarummut tapiliussami nunaminertat, illut sanaartukkat nutaat, aqqusineeqqat, aqquserngit il.il. sumiiffimmi aalajangersimasumi qanoq isikkoqartinneqarnissaat, atorneqarnissaat, inissisimatinneqarnissaat ilusilersorneqarnissaallu aalajangersarneqartarput.

Kommunimut pilersaarummut tapiliussaq nassuiaatitaqarpoq aalajangersagartaqarlunilu.

Nassuiaammi kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut kiisalu kommunimut pilersaarummut tapiliussap pilersaarusiornernut allanut qanoq inissisimanera naatsumik allaaserineqarput.

Kommunimut pilersaarummut tapiliussami aalajangersakkat pingaarnernut sukumiisunullu agguataagaapput. Aalajangersakkat tamarmik pituttorsimasuupput, aalajangersakkaniilli ataasiakkaanit immikkut ittumik akuersissuteqartoqar-sinnaavoq.

Pilersaarusiorneq aamma nunaminertanik atuinerit pillugit Inatsisartut peqqussutaat nr. 17, 17. novembari 2010-meersoq malillugu kommunimut pilersaarummut tapiliussamik oqaluuserinninnissaminut Kommunalbestyrelse pisussaavoq:

- *Kommunimut pilersaarutip piviunngortinnissaata qulakkeernissaa pisariaqartillugu.*
- *Annertunerusumik sanaartulinnginnermi, suliaqalinnginnermi imaluunniit nunaminertanik atugassiilinnginnermi.*
- *Sanaartukkanik/illunik anginerusunik pingaaruteqarnerusunilluunniit ingitserilinginnermi.*

Pilersaarusiortussaataaernerup siunertarivaa pilersaarusiornernup ataqatigiinnerunissaa aamma innuttaasunik tamatumani peqataatitsinissaq.

Taamaattumik kommunimut pilersaarummut tapiliussaq innutaasut allallu pilersaarutip tusarniaassutigineqarneranut tunngatillugu akissuteqaateqarsinnaaniassammata akerliussuteqarsinnaaniassammatalu tamanut nalunaarutigineqassaaq. Tamatuma kingorna pilersaarutip inaarutaasumik akuersissutigineqanginnerani akerliussutaasinnaasut allannguutissatullu siunnersuutaasinnaasut Kommunalbestyrelsimit nalilersorneqassapput.

Kommunimut pilersaarummut tapiliussap inatsisitigut sunniutai pilersaarummi tassani sukumiinerusumik eqqartorneqarput.

NASSUIAAT

Kommunimut pilersaarummut tapiliussaq
1C4-2 Sipisaq Avannarleq
Kommunalbestyrelsip tamanut
tusarniaassutigalugu matumuuna
saqqummiuppaa.

Tunuliaqutaa

Kommunimut pilersaarummut tapiliussaq
manna B-428-mik isaterineq iluatsillugu
nutaanik sanaartornissamik kissaateqarneq
tunngavigalugu suliarineqarpoq.

Kommunimut pilersaarummut tapiliussami
Nuummut 'Kommunimut pilersaarut 2005-
2014' aallaavigineqarpoq, tassani illoqarfiup
qeqqani nutaanik sanaartukkat/illuliat
naleqqussarneqarnissaannut anguniakkat
pingaarnertit tassaapput illoqarfiup ilusaata
pingaarnertup oqaluttuarisaanermilu
pingaarutilik aqqut titarnermi
nukittorsarneqarnissaat, figur 1 takuuk.

Tamatuma saniatiugt siunnersuutit
Kommunimut pilersaarummut tapiliussami 4-
mi 2007-imi novembarimeersumi "Illoqarfiup
sukisaarsarfiinut pilersaarut"
malinneqarnissaat kommunalbestyrelsimi
kissaatigineqarpoq. Kommunimut
pilersaarummut tapiliusami illoqarfimmi
immikkoortut ilaanni
illoqannginnersaliornissat aqquserniornissallu
ilaatigut aamma anguniarneqarput.

Pilersaaruteqarfik

Pilersaaruteqarfik tassaavoq immikkoortortap
ilaa 1C4 1,3 ha miss. annertutigisoq,
assitaliussaq 2 takuuk.


Pilersaaruteqarfiusoq illoqarfiup qeqqata
kujataa'tunganiippoq avannamullu
oqaluttuarisaanermi titarternermut
Aqqusinersuup sinaatigoortumik
killeqarfeqarluni. Sumiiffimmiipput
qiterisaqarfimmi atuuffiit soorlu niuertarfiit,
cafit, inuussutissarsiuteqarfiit inissiarllu
aamma



Figur 1) Nuup Qiterisaqarfiata aqqutaa titarneq
atuarlugu oqaluttuarisaanermi pingaarutilik
siunissami ineriartortinneqarnissaa.



Figur 2) Illoqarfimmi illoqannginnersaq qanittumilu
sukisaarsartarfik, KPT nr. 4



Figur 3) Immikkoortup ilaa aamma illoqarfimi illoqannginnersat pingasut



Figur 4) Illoqarfimmi illoqannginnersaq, biilnut inissiisarfii

sumiiffiup illoqarluartarnini
angallaffigineqarluartarninilu ilisarnaatigaa,
tassaniippoq aamma illoqarfimmi
illoqannginnersaq kujammut sammisoq.

Sanaartukkat

Sipisaq Avannarlermi sanaartukkat/illut qaliaat issiaattatut isikkullit ataatsimiit marlunnut quleriit ilisarnaataapput. Sanaartukkat/illut illoqarfimmi illoqannginneranut pingasunut Aqqusinersuarmullu sammiveqarput, figur 3 takuuk. aqqusinersuup sinaani sanaartukkat/illut tamarmik, B-428 kisimi pinnani, silataat tamarmik aqqusinnermut sammiveqarput. Illoqarfimmi illoqannginnersat ullumikkut biilnut inissiisarfittut atorineqarput.

Sumiiffimmi eqikkaaneq 1950-ikkut aallartinneranni aallartippoq 1980-ikkut naalernerat tikillugu. Sumiiffik illunik mikisunik sanaartorfiusimagaluarpoq taakkulu kingornatigut illunik inuussutissarsiorfik taarserneqarsimallutik.

Immikkoortortap ilaani avatangiisit

Immikkoortortap ilaa assitaliussami 5-imi takutinneqartutut Aqqusinersuup avannaatungaani killeqarpoq. Kangimut Jens Kreutzmannip Aqqutaanut kimmullu Noorlernut. Immikkoortortap ilaa aamma inissiaqarfimmut kujataatungaaniittumut aamma killeqarfeqarpoq (assitaliussaq 6 takuuk). Sumiiffiup avannaatungaaniippoq Nuummi iliveqarfiit pisoqaanersaata tullia 0,8 ha.-nik angitigisoq. Sumiiffiup avannaata kangiataungaaniippoq inissiaqarfik Tuujuk maannakkorpiaq pilersaarusiortfigineqartoq. Pilersaaruteqarfiup kangiataungaaniippoq qiterisaqarfik alla, Qatserisut, atassutaasumut titarnermut narlortumut ataneqartoq. Sumiiffik taanna nutartigassatut eqikkaaffissatullu toqqarneqarsimavoq. Kiisalu sumiiffik eqqaamiorisaq Noorlernut inissianuunerusoq inuussutissarsiutaanerusunullu atugassatut

illunik immikkuullarissunik pingasunik
sanaartorfigalugu allanngortiterneqarpoq.

Nunataa nunallu isikkua


Immikkoortup ilaani nuna kitaaniit kangimut
meterinik arfinilinnik appariarpoq.
Immikkuualuttut 1 aamma 2 qatsinnerpaapput
portoqatigiingajallutillu aamma
immikkuualuttoq 3 appasinnerpaamiippoq.
Titarnermi Sipisaq Avannarleq
qatsinnerpaamiippoq.

Seqinnertarneranut, isikkivinnut anorimullu tunngasut

Sanaartukkat/illut avannamut kujammullu
sammiveqarnerat pissutigalugu
immikkuualuttuni pilerinartunik illoqarfimmi
illoqannginnersaliortoqarsinnaavoq.
Aqqusinersuup sinaani sanaartukkat/illut
anorimut avannamut assiaqutaapput
illoqarfimmilu illoqannginnersanut kujammut
sammisunut oqqusumiitsitsillutik.
Sanaartukkat/illut Aqqusinersuup tungaanut
samisut akorni ammanersaqartiterput
taamaalillunilu Aqqusinersuup sinaa
qaammarsarlugu illoqarfimmi
illoqannginnersamullusooq qaaqqusisumik.



Figur 5) Immikkoortortap ilaani avatangiisit



Figur 6) Seqinnertarnera anorillu aamma
illoqarfimmi illoqannginneraq

Pilersaarutip siunertaa imarisaalu

Kommunip pilersaarutaanut tapiliussap siunertaraa pilersaaruteqarfiup ineriartortinneqarnerata illoqarfiup qeqqata, oqaluttuarisaanermut titarneq narlortoq atuarlugu inissisimasup ineriartortinneqarneranut atasumik pinissaa qulakkiissallugu.

Tamatuma saniatigut uninngaartarfiliornissamut pilersaarummi siunnersuutit Kommunimut pilersaarummut tapiliussami 'Illoqarfiup sukisaarsarfiinut pilersaarut' malinneqarnissaat siunertarineqarpoq, uninngaartarfinni illoqarfimmi innuttaasut naapittarsinnaapput ataatsimoorsinnaallutillu, aamma uninngaartarfiit illoqarfimmi aqqutitut attavilerniarneqarput.

Aammattaaq pilersaaruteqarfiusumi ilusaareersut sanaartugaareersullu/illoreersullu mianeralugit ineriartortitsisoqarnissata qulakkeerneqarnissaa pilersaarummi anguniarneqarpoq.

Atuineq

Kommunimut pilersaarummut tapiliussami matumani immikkoortup ilaata ataatsimut qiterisaqarfimmi siunertanut atortuarneqarnissaa qulakkeerneqassaaq. Taamaattumik sumiiffimmi qiterisaqarfimmi atuuffippassuit inissisimasariaqarput, tassunga ilanngullugit inissiat aamma illoqarfimmi illoqannginnersat.

Inini allerni atuuffiit atuisartunik tunngaveqartut inissinneqassapput. Illoqarfimmi illoqannginnersat aalaffiussapput ukioq naallugu silami sammisassaqarfiusinnaasut.

Atuineq agguataarinertu


Immikkoortup ilaa immikkuualuttunut pingasunut agguataagaavoq.

Kommunimut pilersaarummut tapiliussami immikkoortup ilaa ataatsimoortut suliarineqarpoq kisiannili immikkuualuttoq


III-mi aalajangersakkat sukumiisut kisimik aalajangersaaffigineqarlutik.



Figur 7) Sutorniartarfiit avatangiisaat



Figur 8) Immikkuullarissut



Figur 9) Aqquserngup angallaffissanut tunngavissat

Immikkuualuttoq I-imiipput illoqarfimmi illoqannginnersat 1 aamma 2-p eqqaani sanaartukkat/illut Aqquserngup tungaanut sammisut. Immikkuualuttoq Imanermut attuumassuteqarpoq siunissamilu sanaartukkat/illut portussusissaat eqqarsaatigalugit Imanngup sinaani sanaartukkat/illut portoqatigissallugit. Immikkuualuttoq I-imi quleriit pingasut tikillugit portussusilinnik sanaartortoqarsinnaavoq.

Immikkuualuttoq II-miipput sanaartukkat/illut Inissiaqarfiup Saqqarlernup ilassutaatut inissisimasut. Immikkuualuttoq II-mi marluk tikillugit quleriinnik sanaartortoqarsinnaavoq, ilaatigut illoqarfimmi illoqannginnersat pilerinartut saqqartamiittullu pilersinniarlugit ilaatigullu inissiaqarfimmik imminnut qanittunik pukkitsunillu kujammullu sammisunik sanaartornissamut ikaarsaariarnissaq siunertaralugu.

Immikkuualuttoq III-miipput sanaartukkat/illut immikkoortup ilaata

appasinnerpaartaaniittut. Sanaartukkat/illut aqquserngit naapiffiinnut angallaffioqisumut killeqarput, Aqquserngup aamma Jens Kreutzmannip Aqqutaata naapiffiini. Aqquserngit naapiffiisa tungaanoortunik quleriit sisamat tikillugit portutigisunik aamma sanaartorfinni allani quleriinnik marluk-pingasunik portussusilinnik sanaartortoqarsinnaavoq.

Oqaluttuarisaanermi titarneq

Sipisaq Avannerliup eqqaani oqaluttuarisaanermi titarneq Aqquserngup sinaatigoorpoq. Aqquserngup sinaani siunissami sanaartugassat silataat ilangussami 3-mi takutinneqartutut isikkoqassapput aammalu angallaffiusunik ilusilersuineri tunngavigineqartunik tunngavissisuuassallutik, figur 9 takuuk.

Sinaakkutaq

Sinaakkutaq tassaavoq nunaminertat meterinik marlunnik silissusilik nutaamik illuliornermi illumik piginnittup pilersitassaa. Sinaakkutap illup isaariaaniit pisuinnaat aqutaannut allanullu ikaariarneq pilersissavaa, takuuk ilanngussaq 4.

Pisuinnartunut aqutissiaq sikkilertunullu aqutissiaq

Siunissami pisuinnartunut aqutissiasaq Aqquserngup sammiveqatigissavaa aammalu meterinik sisamanik silissusilimmik pisuinnartunut, sikkilertunut aneersivilisartunullu inissisaaqassalluni.


Sanaartukkat/illut

Immikkuualuttunut I aamma II pillugit sukumiisunik aalajangersaasoqanngilaq taamaallaallu pingaarnernik aalajangersaasoqarluni. Sumiiffinni taakkunani nutaanik sanaartortoqannginnerani sanaartorfiit sumut inissinneqarnissaannut aamma malittarisassanut allanut inaarutaasumik aalajangersaaffiusunik sukumiisunik aalajangersagaliortoqassaaq.

Immikkuualuttumi III-mi sanaartukkat/illut
– Akunnittarfik aamma niuertarfik B-428-imi

Siunissami sanaartukkat/illuliat
inissinneqarneranni tamakku
ilusilersorneqarnerat qulaani anguniakkanut
taaneqartunut imaaliorneqarnerisigut
tunngavissiiuussapput:

- Oqaluttuarisaanermi titarnermik
tunngavissiiineq
- Illoqarfimmi illoqannginnersat aamma
sanaartukkat/illut initaasa alliit akorni
ataqatigiissillugit
- Sanaartukkat silataasa Aqqusinersuup
aamma illoqarfimmi illoqannginnersat
tunngasut silataasa igalaartaasa
pilerinartunik igalaartaqartinnerisigut
silamiit ilummut isigisoqarsinnaatillugu
- Teqeqqut ilusilersorneqarneranni
oqaluttuarisaanermut titartarnermik
tunngavissiiisunngorlugit aammalu
kujammut kangimut sammitillugit.




Figur 10) B-428-ip eqqaani nutaanik sanaartukkanik
assersuut

Nunaminertat aneerfiusinnaasut

Illoqarfimmi illoqannginnersat

Nuummi nunaminertanik
silamiiffissanik/illoqarfimmi
illoqannginneranik amerlanerusunik
pilersitsiniarluni pisuinnarnut aqquissiamiit
immikkoortup ilaani illoqarfimmi
illoqannginnersanut assigiinngitsunut
toqqaannartumik aqquteqarnissaa
pilersaarummut tapiliussami
qulakkeerneqassaaq (figur 11-12 takuuk).


Illoqarfimmi illoqannginnersat ukiut qanoq
imaalineri malillugit
inoqartarsinnaasunngorlugit
sammissassaqarfigineqarsinnaasunngorlugillu
pilersaarusiiorfigineqassapput. Tamatuma
saniatigut illoqarfimmi illoqannginnersat
ilusilersorneqarnerat iluatsillugu illoqarfimmi
illoqannginnersat ilaanni biilinut
inissiisarfinnik naleqqussaasoqarnissaa
eqqarsaatigineqassaaq.



Figur 11) Illoqarfimmi illoqannginnersaq –
Sanaartukat/illut silataat

Aamattaaq illoqarfimmi illoqannginnersat
seqineq anorillu aamma nipit qaamanerlu

eqqarsaatigalugit ulloq unnuarlu
iluarinartunngorlugit aqqissuunneqassapput.
Eqqumiitsuliat naatinneqarsimasinnaasullu
illoqarfimmi illoqannginnersanut
ilisarnaataassapput aamma qalliutit pequtillu
sumiiffimmi susoqarsinnaaneranut immineq
tunngavissiisuussapput.



Figur 12) Qamutit motoorillit oqimaatsut pisinnaallu
angallattut

Aqqusinertigut angallanneq/Aqquserngit aqqusineeqqallu

Noorlernut-miit aamma Jens Kreutzmannip
Aqqutaaniit pilersaaruteqarfiusumut
aqqusineqassaaq. Aqqusineq isoqanngitsoq
Aqqusinersuarneersoq, Sipisaq Avannarleq,
siunissaq ungasinnerusoq eqqarsaatigalugu
atorunnaarsinneqassaaq (figur 12, titarneq
toortarnilik).

Biilinet inissiisarfii – nalinginnaasumik illoqarfiup qeqqani

Nuummi aqqusinertigut
angallattukillisaanissaq politikikkut
anguniagaavoq. Kommunimut pilersaarummi
2005-2014-imi malitassat atuuttut
taamaalillutik nalilersoqqinneqarput aammalu

illoqarfiup qeqqani nutaanik sanaartornerni
biilinet inissiisarfiliornissamut piumasaqaatit
ikilisinneqassasut naatsorsuutigineqarpoq.

Biilinet inissiisarfii – immikkoortup ilaa

Immikkoortup ilaani siunissami
sanaartorneqartussat illoqarfimmilu
illoqannginnersaliortiternerit malitsigisaannik
nunaminertat amigaatigineqalissapput
taamaalillunilu immikkoortup ilaani
naammattunik biilinet
inissiisarfiliortoqarsinnaarpiarunnaarluni.

Tamatuma malitsigisaanik siunissami
nunaminertamik atuisussaataasut siunissami
ungasinnerusumi sumiiffinnut
eqqaamiorisassatut pilersaarutigineartuni
naleqquttunilu biilinet inissiisarfinnik
pisariaqartinneqartunik pilersitsinissartik
naatsorsuutigisariaqassavaat. Tamakkuninnga
biilinet inissiisarfiliornerit nunaminertanik
atuisussaataasunit akilerneqassapput
pisunilu tamani Kommuneqarfik
Sermersuumik siunersioartartussaassallutik.
Immikkoortup ilaani biilinet inissiisarfii
sumiiffimmi atuisartunit tamanit
tikinneqarsinnaassapput.

”Kommunimut pilersaarummi 2005-2014-
imi” biilinet inissiisarfii pillugit malitassat
atuuttut nalilersoqqinneqarmata
immikkuualuttoq III-mut tunngatillugu
biilinet inissiisarfii pillugit malitassat imatut
ilassuserneqassapput¹:

- Niuertarfimmut, namminersorluni
inuussutissarsiuteqarfimmut,
suliffeqarfimmut sullissisumut, cafinut
aamma sutorniartarfinnut 75 m²-imut
ataatsimut biilinet inissiisarfik ataaseq

¹ Nuummut ’Kommunimut pilersaarummi 2005-2014-
imi’ Nuup illoqarfiani biilinet inissiisarfiliornissat
pillugit Malittarisassani § 3 imm. 2-mi imatut
allassimasoqarpoq: ’Pissutsit immikkut ittut
atuutsillugit Sanarfinermut Avatangiisinullu
ataatsimiititaq imm. 1-imi biilinet inissiisarfii pillugit
piumasaqaatinit malinninngitsoorsinnaapput.

- Akunnittarfimmi ineqqamut ataatsimut biilnut inissiisarfiup sisamararterutaa
- 0,2 inissiamut 50 m²-imit mikinerusumut biilnut inissiisarfik
- 0,4 inissiamut 50 m²-imit anginerusumut biilnut inissiisarfik.

Aputaajaaneq apummillu allamukaassuineq

Immikkoortup ilaani sannaartukkanik imminnut qanillisaanermi soorunami niffarsuit ikilisinneqartariaqassapput. Taamaattumik immikkoortuni/immikkuualuttuni tamani aqquserngit, biilnut inissiisarfiit aqqusineeqqat nunaminertanillu sanaartorfigineqanngitsut aserfallatsaaliorneqarnissaat siunertaralugu peqatigiiffiliortoqassaaq, peqatigiiffiliortoqareersimanngippat. Tamakku pilugit malittarisassanik aalajangersaasinnaavoq.

Apummik allamukaassinissaq pillugu kommunimik isumaqatigiissuteqartoqassaaq.

Avatangiisit

Ingitserineq

Ingitserisoqartinnagu periusissat nalinginnaasut malinneqassapput aamma sanatitsisoq nunaminertamut aamma ingitserinissamut akuersisummik qinnuteqassaaq. Nunaminertamik atugassiineq aamma ingitserinissamut akuersissut aatsaat tunniunneqarsinnaavoq ingitserinerup tamakkiisumik ingerlanneqarnissaa kiisalu toqqaviup kingorna iluarseqqinneqarnissaa naammassineqarsinnaappata.

Nunaminertamik atugassiineq aamma ingitserinissamut akuersissut aatsaat tunniunneqarsinnaavoq avatangiiseq eqqarsaatigalugu nipimut pujoralammullu malittarisassat sukkulluunniit atuuttut malillugit, taamaalilluni eqqaani atuisunut eqqaamiuusunullu sapinngisamik akornutaavallaanngitsumik ingitserineq ingerlanneqassappat.

Piumasarineqassaartaaq ingitserineq, suliarinninneq ingitsikkallu iginneqarnissaat avatangiiseq eqqarsaatigalugu illersorneqarsinnaasumik pinissaat. Ingitserinermit ingitsikkat suliarineqarnissaat iginneqarnissaallu inatsit atuuttoq aamma Kommuneqarfiup Sermersuup igitat pillugit malittarisassai sukkulluunniit atuuttut malillugit pissapput. Taaneqartumut kingullermut atatillugu kommune piffissaagallartillugu eqqakkat amerlassusii kiisalu mingutsitsisinnaanerat pillugit siumut ilisimatinneqartassaaq.

Teknikkikkut pilersuutit

Kuuffissuarnut, imermut innaallagissamullu aqquutit nunap iluatigoortinneqassapput aamma sapinngisaq tamaat sanaartorfigineqassanngillat qalliusersorneqaratillu. Aqquutinik allanngortiterisinnaaneq aqquutinik piginnittumut aningaasartuutaassanngilaq aqquutinillu piginnittup innersuussutai malittarisassaataalu malillugit aamma taanna siunersioqatigalugu taamaallaat allanngortiterisoqarsinnaavoq.

Teknikkikkut atortulersuutit, tassunga ilanngullugit transformatoriisiviit sumiiffimmi najukkamik pilersuutit, sumiiffimmut inissinneqarsinnaapput. Nukissiorfiit isumasioqatigalugit transformatoriisivinnik inissiisoqassaaq.

Sanaartukkat nutaat kissamik pilersorneqarnerat, immikkoortup ilaani annikinnerusumi I, II, aamma III-mi, immikkoortumi kiassarnermut pilersuisumut attavilernikkut pissaaq.

Imeq

Sumiiffik pisortat imermik pilersuinermit aqquataataatigut imermik pilersorneqassaaq.

Imikoq

Sumiiffik kommunip kuuffissuaataanut attavilerneqassaaq.

Nunap qaavata imertaa pisortat kuuffissuaataannut kuutsinneqassanngilaq

kisiannili sumiiffimmi sanaartukkanut allanut,
aqqusineeqqanut, aqqusinernut
nunaminertanullu sanaartorfigineqanngitsunut
ajoqutaanngitsumik kuutsinneqassalluni.

Pilersaarummut allamut sanilliullugu inissisimanagera

*Nuna tamakkerlugu
pilersaarusiorneq*

Kommunimut pilersaarummut tapiliussaq
nuna tamakkerlugu pilersaarusiornernut
atuuttumut naapertuuppoq.

Qanganitsat


Sumiiffimmi qanganitsanik peqartoqarneranik
Kommuneqarfik Sermersuumi
ilisimasaqartoqanngilaq tamannali
sumiiffimmi arlaannaanilluunniit
misissuisoqarsimannginneranik taamaallaat
pissuteqarpoq.

Nunagissaanerni qanganitsanik
nassaartoqassappat qanganitsat qanoq
ittuunerat apeqqutaatillugu suliaq
unitsinneqassaaq.

Nuummut Kommunimut pilersaarut 2005-2014

Nuummut kommunimut pilersaarummi
atuuttumi – Kommunimut pilersaarut 2005-
2014 – sumiiffik 1C4 – Sipisq Avannarleq
ataatsimoorussassatut siunertanut,
qiterisaqarfittut siunertanut
atugassiissutigineqartoq 1,3 ha-isut
annertutigisoq ilaatinneqarpoq (figur 13
takuuk).

Kommunimut pilersaarummut tapiliussami
matumani immikkoortup ilaata
killeqarfilersorneqarnera figur 14-imi
takutinneqartut allanngortinneqassaaq
aamma manna tikillugu killiliussassatut
aalajangersakkat atuuttut kommunimut
pilersaarummut tapiliussami matumani
taarserneqassapput.



*Figur 13) Kommunimut pilersaarummi sumiiffik 1C4
titarnermik qaqortumik takutinneqarpoq. Toortanernik
ilisarnaatilik tassaavoq immikkoortup ilaa nutaaq 1C4.*

*Ataatsimoortumik pilersaarut
Nunarsuup Qeqqani / Nuup
Qeqqani.*

Kommunimut pilersaarummut tapiliussami
ataatsimoortumik pilersaarummi
kommunimut pilersaarummut tapiliussamut
matumunnga attuumassuteqartut tunngavii
pingaarnersaat eqikkarneqassapput.
Immikkoortut pineqartut tassaapput:

- pilersaarummi sumiiffiup sanaartukkat
inuillu avatangiisaat immikkut
qitiutillugit ineriartortinneqarnissaanik
politikikkut anguniakkat
aallaavigineqassasut
- sumiiffimmut tunngatillugu illoqarfimmi
illoqannginnersat
misigisaqarfiulluartussat
assigiinngitsunillu atuuffiusut
qitiutinneqassasut.
- sanaartugassatut pilersaarutit pingaarnarit
illoqarfimmi illoqannginnersamut
sammitinneqassasut, taamaalilluni
sumiiffik illoqarfiup qeqqata sinneranut
attuumassuteqalerluni aammalu
sumiiffimmi sanaartukkanik
ilusilersuisuulluni.
- sumiiffik titartarneqarnermigut
pitsaasuusaaq aamma atortut
pitsaassusiat pitsaalluinnartuussapput
- sanaartukkat/illut ilusaat, annertussusiat,
imminnut qanissusiat seqineq anorillu
eqqarsaatigalugit
nalimmassarneqassapput, taamaalillutik
sanaartukkat/illut silamiittarfinnik
saqqartamiittunik, anorimut oqquisunik
assigiinngitsunillu naasoqartunik
nunaminertaqartiterniassammata

*Siusinnerusukkut kommunimut
pilersaarummut
tapiliussaasimasoq/illoqarfiup
ilaanut pilersaarutaasimavoq*

Sumiiffik ullumikut Illoqarfiup ilaanut
pilersaarummut 1C4-1-imut, Qullilerfik
aamma Spindlersbakke, ilaatinneqarpoq.

Kommunimut pilersaarummut tapiliussap
matuma atuutsinneqalernerani illoqarfiup
ilaanut pilersaarutip 1C4-1-ip ilaa
kommunimut pilersaarummut tapiliusamut
matumunnga ilaatinneqartoq
atorunnaarsinneqarpoq.

Pilersaarutip inatsisai atortussanngortinneqartut

Kommunalbestyrelse kommunimut pilersaarutip naammassineqarnissaanut sulissaaq, ilanngullugu nunaminertanik atugassiinerni, tak. (Pilersaarusiornermut inatsit § 29).

Kommunimut pilersaarummut tapiliussap inaarutaasumik akuerineqarneranik tamanut nalunaaruteqarnerup pereernerani, inatsisinik imaluunniit pissutsinik piviusunik tunngaveqarluni kommunimut pilersaarutip aalajangersakkanut immikkoortuanut imaluunniit nunaminertanik tunniussinermi atugassarititaasunut akerliusunik pilersitsisoqassanngilaq. (Pilersaarusiornermut inatsit § 30).

Immikkulli pisoqartillugu aalajangersakkanit ataasiakkaanit allatut ittumik immikkut ittumik akuersissuteqartoqarsinnaavoq. Aalajangersakkanit malunnaatilimmik allaanerumsumik atuineq nutaamik kommunimut pilersaarummut tapiliussamik suliaqarnissamik pisariaqartitsissaaq. (Pilersaarusiornermut inatsit § 50).

Nunaminertamik, illuni sanaartukkanillu inatsisit naapertorlugit maannamut atuisarneq ingerlaannarsinnaavoq, akerlianilli assersuutigalugu atuinermik allannguinnissaq nutaamilluunniit sanaartornissaq kommunimi pilersaarummut tapiliussamut akerliussanngilaq.

Kommunimut pilersaarummut tapiliussami nunaminertat, illut sanaartukkallu ilaatinneqartut pilersinneqarnissaat ilaatinneqarnerisigut imaannngilaq taakku ilumut pilersinneqarnissaat.

Oqallisigineqarfia aamma Akuersissuteqarneq

Kommunimut pilersaarummut tapiliussassatut siunnersuut 1C4-2 tamanut sapaatit akunnerini 6-ini tusarniaassutigineqarpoq piffissami ulloq 23/5-imiit ulloq 4/7 2012-ip tungaanut. Piffissami oqallisigineqarfiani tusarniaanermut akissuteqaatit piffisarititap iluani 7-it piffissaritinneqartorlu naareersoq ataaseq tiguneqarput.

Kommunimut pilersaarummut tapiliussaq kommunalbestyrelsip ulloq 21.08.2012 ataatsimiinnermini suliarivaa, siunnersuullu tamanut saqqummiunneqartoq eqqarsaatigalugu imaattunik allannguuteqartillugu akuersissutigalugu:

1. Nunatta Eqqartuussiviata avannaatungaani biilnut inissiisarfik pillugu immikkoortoq peerneqassaaq, pilersaarutissatut siunnersuummi Nunatta Eqqartuussiviata avannaatungaani biilnut uninngasarfeqarnissaa pillugu aalajangersaasoqarsinnaanngimmat.
2. B9 kaajallugu nunaminertap killinga annikitsumik iluarsiivigineqarpoq, B9 tapiliussamit peerneqarluni immikkoortup ilaanut 1A3-mut utertinneqarpoq, pilersaarutissatut siunnersuummi B-9-p eqqaani nunaminertap siunissami atorneqarnissaa aamma atorneqarneralu suliarineqanngimmat.
3. Aalajangersakkat uku tulluittut annikitsumik iluarsiivigineqarput: §§ 2.1, 2.3, 5.1, 7.1, 7.3, 7.4, 7.6, 7.8, 8.2, 8.3, 9.1, 10.1 kiisalu 11.3.
4. Aalajangersakkanik §§ 2,4 amma 3.4-mik ilanngussisoqarpoq.
5. Aaqquissuinnermi pilersaarutip nassuiaatitaa, aalajangersagartaa ilanngussallu allanngortinneqarput (takukkit imm. 3 aamma 4).

Pilersaarut Kalaallit Nunaanni
Atuagaateqarfimmi, kommunip nittartagaani
www.sermersooq.gl atuarsinnaavat,
imaluunniit kommunimi innuttaasunut
sullissivimmut saaffiginninnikkut, imaluunniit
Sanarfinermut Avatangiisinullu
ingerlatsivimmut tlf. 367431
sianersinnaavutit.

AALAJANGERSAKKAT

Kommunalbestyrelsimit Inatsisartut pilersaarusiorneq aamma nunaminertamik atuinnisaq pillugit nunaminertamillu atuineq pillugit inatsisaat nr. 17, 17. november 2010-meersoq naapertorlugu matumuuna aalajangersarneqarpoq.

Aalajangersakkat aalajangersaavigineqartut pillugit aalajangersakkanut aamma sukumiinerusumik aalajangersakkanut immikkoortinneqarput.

Aalajangersaavigineqartut pilersaarutip tunngavia malillugu aalajangersarneqarput taamaattumillu immikkut ittumik aalajangersakkanit taakkunannga akuersissuteqartoqarsinnaanngilaq.

AALAJANGERSAKKAT PINGAARNERIT

§ 1 Immikkoortup atorneqarnissaa pillugu siunertaq

1.1 Immikkoortoq qiterisaqarfittut atugassanngortinneqarpoq

§ 2 Nunaminertanik atuineq sanaartukkallu

2.1 Immikkoortoq ilanngussaq 1-mi takutinneqartoq malillugu killilerneqarpoq nunaminertarlun annertussuseqarpoq 1,3 ha.

2.2 Immikkoortortaq aalajangersaavigineqarpoq ilanngussaq 2-mi takutinneqartut I, II aamma III malillugit.

2.3 Immikkoortup iluani suliffeqarfik niuernermik nalinginnaasumik ingerlatsisoq, annikinnerusumik inuussutissarsiut, sullissinermik sulialik, hoteleqarneq, cafeeqarneq, neriniartarfeqarneq assigisaallu kisimik ingerlanneqarsinnaapput.

Immikkoortup ilaani inissiatut atorneqarsinnaasunik aaqqissuisoqarsinnaavoq. Inissiaasinnaasut allerni nunamut tullinngorlugit inissisimatinneqassanngillat.

2.4 Ilanngussami 4-mi toortarnertut nalunaaqutsikkat illoqarfimmi tamanit aneerfigineqarsinnaasutut atorneqassapput.

2.5 Immikkoortumi suliffeqarfiit sulluunniit eqqaminnut pujoralatsitsisut, pujuliortut, tipiliortut, nipiliortut sajuppillatsitsisartullu ingerlanneqassanngillat.

§ 3 Sanaartukkap suunera, inissimaffia annertussusialu

3.1 Immikkuualuttumi III-mi nutaamik sanaartugaq ilanngussaq 3-mi sanaartorfissatut takutinneqartut iluani tunngaviusumik inissinneqassaaq.

3.2 Nutaamik sanaartornermi imaluunniit allannguinnermi silataata Aqqusinersuup tungaanut sammisuanut killiliussaq malinneqassaaq.

3.3 Sanaartornissami portunerpaaffiliussat:

- Immikkoortup ilaani annikinnerusumi I-mi quleriit 3-t
- Immikkoortup ilaani annikinnerusumi II-mi quleriit 2-t
- Ilanngussaq 4-mi immikkoortup ilaani annikinnerusumi III-mi illup nunamit qaliata sinaanut killiliunneqartut, annerpaamillu quleriit sisamat

3.4 Immikkoortup ilaani annikinnermi I aamma II nutaamik sanaartorneq pilersinnagu sukumiisumik aalajangersaavigineqassapput,

sanaartorfissiat sumi
inissisimatinnissaat aamma
aalajangersakkat allat pillugit
aalajangersaasunik.

**§ 4 Immikkoortup ilaata
 aqqusineqartinnera**

4.1 Immikkoortup ilaanut aqqut
 Noorlikkut aamma Jens Kreutzmannip
 Aqqutaatigut pivoq.

4.2 Immikkoortup ilaanut I-mut aqqut
 piffissap ingerlanerani
 atorunnaarsinneqassaaq.

**§ 5 Illoqarfimmik nutarterineq
 aamma ingitserineq**

5.1 B-428 aamma B-375 qiterisaqarfittut
 siunertat pilersinneqarnerinut
 atatillugu
 ingitserneqarsinnaasariaqarput.

SUKUMIINERUSUMIK AALAJANGERSAKKAT

Immikkoortup ilaat annikinnerusoq III kisimi
sukumiinerusumik
aalajangersaavigineqarpoq.

§ 6 Sanaartukkap inissisimaffia

Immikkoortup ilaa annikinnerusoq III

- 6.1 Ilanngussaq 3-mi takutinneqartoq
malillugu sanaartorfissiat 5-it
atugassanngortinneqarput.
- 6.2 Sanaartorfissiat 1 aamma 2
ataatsimoortinneqarsinnaapput.
- 6.3 Sanaartorfissiat 3 aamma 4
ataatsimoortinneqarsinnaapput.
- 6.4 Quleriinni nunamut tulliusut
sullitaqarnermut tunngasunik
sullissivissatut atorsinnaassapput.

§ 7 Sanaartukkap silatimigut isikkua

Immikkoortup ilaa annikinnerusoq III

- 7.1 Illut silatai Aqqusinersuup imalunniit
illoqarfiup tungaanut sammisut
isaariaqartinneqarlutik
igalaaqartinneqarlutillu
ammarneqassapput.
- 7.2 Sullitanut aamma tamanut isertarfik
killinganut killeqarfimmoortoq
imaluunniit illoqarfimmoortoq
qullasinnerutinneqassanngilaq.
- 7.3 Sanaartorfissiami 1-mi aamma 2-mi
sanaartukkami quleriit aappaat,
pingajuat sisamaallu
sanaartorfissiamut killiliussamik
qaangiisinnaapput ilanngussaq 4-mi
takutinneqartoq malillugu. Quleriit
ataasiakkaat illut iigaanni ersarissumik
takuneqarsinnaassapput
- 7.4 Nutaamik sanaartornermi,
sanaartukkamik allanngortitsinermi
ilalerinermilu atortussatut toqqakkat,
ilusissaa, qalipaataa isikkualu tamarmi

eqqaani avatangiisiusumut
ataatsimoortitsisutut pilersitsissapput.

- 7.5 Sanaartukkap timitaani
ikuallattoornissamut majuartarfiit
aamma biilit niooraavigisinnaasaat
ilaatinneqassapput.
- 7.6 Allagartalersuutit sanaartukkap
illuliortaatsikkut isikkua malillugu
ilusilerneqassapput.
- 7.7 Quit, cykeliisiviit allallu illumut
attuumassutillit illup
ilaaniitinneqassapput.

Qaavi

- 7.8 Sanaartukkap qaava annerpaamik 25
°-mik sivingatinneqassaaq. Qaavani
aneerasaartarfeqarsinnaavoq.
- 7.9 Qaavisa qallersuutaat
pappialarsuussapput qernertut.

Seqernup qinngornerinik tigooraaviit

- 7.10 Seqernup qinngornerinik tigooraaviit
eqqaamiuusunut, akilermiunut
sanioqquttunulluunniit
inngianartuussanngillat.

Silaannarissarfit aniaffii

- 7.11 Silaannarissarfiit assigisaallu illup
ilaaniitinneqassapput illullu
illuliortaatsikkut isikkuanut
naleqquttuutinneqarlutik.

§ 8 Aqquserngit, aqqusineeqqat biilinullu uninngasarfiit

Immikkoortup ilaa annikinnerusoq III

- 8.1 Immikkoortup ilaanut aqqut
Ilanngussaq 3-mi takutinneqartoq
malillugu pissaaq.
- 8.2 Nutaamik sanaartornermi biilnut
uninngasarfissat imatut
amerlassusilerneqassapput:
- Niuertarfinnut nalinginnaasunik
nioqqutilinnut, annikinnerusumik
inuussutissarsiutilinnut, sullissinermik
sulialinnut, hoteleqarnermik

ingerlatsisunut, cafiinut,
neriniartarfinnut assigisaannullu 75
m²-imut biilinut uninngasarfik
ataaseq.

- Hotelimi inimut ataatsimut biilinut
uninngasarfik ¼
- 0,2 inissiamut 50 m²-imit
mikinerusumut biilinut uninngasarfik
- 0,4 inissiamut 50 m²-itut
angitigisumut aamma 50 m²-imit
anginerusumut biilinut uninngasarfik.

8.3 Immikkoortup ilaani annikinnerusumi
III nutaamik sanaartornermut
atatillugu nunaminertamik
atuinissamut akuersissummik pigisallit
biilinut uninngasarfiit atorunnaartut
pilerseqqissavaat. Biilinut
uninngasarfiit atorunnaartut
immikkoortuni eqqaaniittuni aamma
Kommuneqarfik Sermersooq
isumasioqatigalugu
pilersinneqassapput.

8.4 Killinganut killeqarfimmik
pilersitsinermi nunaminertamik
atugassinneqartoq tamatumunnga
aningaasartuuteqassaaq aamma pinerit
tamaasa Kommuneqarfik Sermersooq
isumasiorneqartassaaq. Ilanngussaq
4-mi takutinneqartoq malillugu
killinganut killeqarfik illup isaariaanik
aqquerngullu akornginik
atassusiissaaq.

8.5 Biilinut uninngasarfiit
pilersinneqartussat nunaminertamik
atugassinneqartumit
aningaasartuutigineqartassapput
aamma pinerit tamaasa
Kommuneqarfik Sermersooq
isumasiorneqartassaaq.

8.6 Aputikoorneq kommunip
innersuussaannut pissaaq.

8.7 Immikkoortup ilaani annikinnerusup
iluani aput iginneqassaaq aamma
immikkoortup ilaani allami
Kommuneqarfik Sermersooq

akuersiseqqaartinnagu
igitsisoqarsinnaanngilaq.

§ 9 Teknikkimik atortut

Immikkoortup ilaa annikinnerusooq III

9.1 Nutaamik sanaartugaq pisortat
innaallagissamut imermullu attaviinut,
aamma sumiiffiup kiassaateqarfianut
kiisalu kuuffissuinut
attavilerneqassaaq.

9.2 Imikoorut qasertoq qernertorlu
kuuffitsigoortinneqassaaq. Imeq
nunap qaaniittoq kuutinneqartorlu
kuuffitsigoortinneqassanngilaq,
kuutinneqassallunili eqqaani illunut,
aqqusinernut, aqqusineeqqanut
nunaminertanullu
sanaartorfiunngitsunut
akornutaanngitsumik.

9.3 Innaallagissamut, imermut, kissamut,
kuuffissuannullu attavilersuutit
assaanneqarsimassapput.
Piginnittuunngitsut aqqusersuutininik
allannguippata tamanna
attavilersuutininik piginnittumut
aningaasartuutaassanngilaq, aatsaallu
pisinnaalluni attavilersuutininik
piginnittut isumasioqqaarlugit aamma
innersuussutaat malittarisassaallu
malillugit.

9.4 Immikkoortup iluani teknikkimut
atortulersuisoqarsinnaavoq, aamma
immikkoortup sumiiffimmut
siammarterutininik
pilersorneqarneqarnissaa ilanngullugu.
Siammarterutit inissisimaffissaat
Nukissiorfiit isumasiorlugit pissaaq
aamma illup ilaaniitinneqassapput.

§ 10 Nunaminertat aneerfiusinnaasut sanaartorfiunngitsullu

Immikkoortup ilaa annikinnerusooq III

10.1 Nunaminertanik aneerfiusinnaasunik
ilusilersuinermi ukioq naallugu

- | | | |
|------|--|--|
| | sammineqarsinnaasut pisinnaasullu
periarfissinneqassapput. | isumannaatsumik pisinnaanngorlugu.
Peqatigiiffiup najugaq pillugu
Kommuneqarfik Sermersooq
ilisimatittuartaassavaa. |
| 10.2 | Qullilersuineq sumiiffiup qanoq
ittuuneranik takutitsisooqataassaaq. | |
| 10.3 | Silami pequsersuineq Kommuneqarfik
Sermersooq isumasiorlugu pissaaq. | |
| 10.4 | Sanaartornermut aamma illumik
atuinnermut atatillugu nuna
sapiinngisamik innarlitsaalineqassaaq
naammassinermilu
iluarseqqinneqassalluni. | |
| 10.5 | Nunaminertat sanaartorfiunngitsut
sunilluunnit sivilisunerusumik
ilitsiviussanngillat. | |
| 10.6 | Nunaminertat sanaartorfiunngitsut,
qajannaarsukkat aamma aqqusinernut
atortulersuutit sanaartorneq
imaluunniit suliaqartoqarnera
pissutigalugu aserorneqartut
iluarseqqinneqassapput. | |

**§ 12 Atuilersinnaaneq pillugu
piumasaqaatit**

- | | | |
|------|---|--|
| 12.1 | Sanaartukkamik nutaamik
atuilinneginnermi biilnut
uninngasarfissat pisariaqartinneqartut
pilersinneqarsimassapput. | |
| 12.2 | Atuilinneginnermi imikoorutissamut
pilersaarut akuerisaq pigineqariissaaq. | |

**§ 11 Piginneqatigiiffik
(sanaartorfissaareersuni aamma
sanaartorfissani nutaani)**

Immikkoortup ilaa annikinnerusooq III

- | | | |
|------|---|--|
| 11.1 | Immikkoortup ilaani annikinnerusumi
ataatsimut soqutigisat
isumagineqarnissaat pillugit
peqatigiiffiliortoqassaaq. | |
| 11.2 | Immikkoortumi nunaminertamik
atugassinneqartoq peqatigiiffimmi
tassani ilaasortassaaq. | |
| 11.3 | Peqatigiiffiup immikkoortup ilaani
annikinnerusumi aqqusernit, biilnut
uninngasarfiit, aqqusineeqqat
nunaminertallu aneerfiusinnaasut
sanaartorfiunngitsullu
aserfallatsaaliussavai aamma taakku
pillugit malittarisassat
aalajangersalugit. | |
| 11.4 | Peqatigiiffiup immikkoortup ilaani
annikinnerusumi ukiuunerani
aqquserngit tikikkuminartuutissavai,
immikkoortumi angallanneq | |

AKUERSISSUTEQARNQ

Kommunimut pilersaarummut tapiliussa 1C4-2, Kommuneqarfik Sermersuumi
Kommunalbestyrelsimit aggustip 21-iani 2012-imi akuersissutigineqarpoq.

Kommuneqarfik Sermersooq ulloq




Asii Chemnitz Narup /
Borgmesteri



Søren Hald Møller
Pisortaaneq

Kommunimut pilersaarummut tapiliussa 1C4-2, Sipisq Avannarleq, Nuuk, inaarutaasumik
atortussanngorlugu tamanut nalunaarutigineqarpoq ulloq 24.10.12




KOMMUNEQARFIK SERMERSSOOQ
Sanarfinermut avatangisissuullu ingerlatsivik
Anlægs- og Miljøforvaltningen

Kommunimut pilersaarummut tapiliussaq IC4-2
Kommuneplantillæg IC4-2

Ilanngussaq 2 Immikkualuttut illullu isarterneqartussat
Bilag 2 Detailområder og bygninger til nedrivning
Aggusti 2012 / August 2012
Uutuut 1:1000 / Mål 1:1000

A4

0 m 10 m 20 m 30 m 40 m 50 m




KOMMUNEQARFIK SERMERSOOQ
Sanarfinermut avatangiisinullu ingerlatsivik
Anlægs- og Miljøforvaltningen

Kommunimut pilersaarummut tapiliussaq IC4-2
Kommuneplantillæg IC4-2

Ilanngussaq 3 Sanaartorfissat nutaat immikkuullarissaq 3-mi
Bilag 3 Nye byggefelter i detailområde 3
Aggusti 2012 / August 2012
Utuut 1:1000 / Mål 1:1000
A4

0 m 10 m 20 m 30 m 40 m 50 m



KOMMUNEQARFIK SERMERSSOOQ
Sanarfinermut avatangiisinullu ingerlatsivik
Anlægs- og Miljøforvaltningen

Kommunimut pilersaarummut tapiliussaq IC4-2
Kommuneplantillæg IC4-2

Ilanngussaq 4 Sanaartorfissat nutaat immikkuullarissaq 3-mi
Bilag 4 Nye byggefelt i detalområde 3
Aggusti 2012 / August 2012
Uutuut 1:500 / Mål 1:500
A4

0 m 10 m 20 m 30 m 40 m 50 m